



Nabiyyoota ana dura ergaman keessa tokkoonuu hin ergamne duuka buutota fi waaheloota sunnaa isaa hordofanii fi ajaja isaa fudhatan qabaatu malee hintaane

Abdullaah bin Mas'uud irraa odeeffame Rabbiin irraa haa jaallatu, Ergamaan Rabbii -nagaa fi rahmanni irra haa jiraatu- akkana jedhan jedhe: «Nabiyyoota ana dura ergaman keessa tokkoonuu hin ergamne duuka buutota fi waaheloota sunnaa isaa hordofanii fi ajaja isaa fudhatan qabaatu malee hintaane. Sana booda ummata waan jedhan hin dalagne, waan hin ajajamin ammoo kan dalagantu hafan, namni harka isaatiin isaan irratti qabsaa'e inni mu'umina. Namni arraba isaatiin isaan irratti qabasaa'e inni mu'umina, namni qalbii isaatiin isaan irratti qabsaa'e innis mu'umina. kana booda limaana irraa wanni hanga firii raafuu hin jiru».

[sirrii] [Muslimtu gabaase]

Nabiyyiin -nagaa fi rahmanni irra haa jiraatu- ummata isaa irraa namoonni qulqulluu, deggertooni, fi Mujaahidooni garaa qulqulluu ta'an, isa booda bakka bu'ummaaf kan mijatan, sunnaa isaa qabatani kan ajaja isaa fudhatan isaaf ta'an malee Rabbiin ummata isaan duraa keessatti akka nabiyyii tokko hin ergin himan. ergasii booda warra gaggaarii kanaatii ummanni kheyriin isaan keessa hin jirre akka dhufanii fi isaan waan jedhan akka hin raawwannee fi waan itti hin ajajamin akka raawwatan, namni harka isaatiin isaan irratti qabsaa'e inni mu'umina, namni arraba isaatiin isaan irratti qabasaa'e inni mu'umina, namni qalbii isaatiin isaan irratti qabsaa'e innis mu'umina akka ta'ee fi sana booda limaana irraa wanni hanga firii raafuu takka akka hin jirre himaniiru.

<https://sunnah.global/hadeeth/om/show/3480>

